

Մեր կարծիքով մեր բժիշկների պարտաւորութիւնն է յորդորել ծնողներին և դպրոցների վարչութիւններին ուղարկել մանուկներին մարմնամարզական դասընթաց, յորդորել և հասակ առած անհատներին օգուտ քաղել այդ օգտակար հիմնարկութիւնից, որովհետեւ յայտնի է որ մարմնամարզութիւնը պահպանում է և հասակ առածներին շատ և շատ հիւանդութիւններից, պնդացնելով մարմնի ոյժերը: Աւրօպայի իւրաքանչիւր մի քաղաքի մէջ կան հասակ առած մարդիկներից բաղկացած մարմնամարզական ընկերութիւններ:

Իսկ իրան, պ. Լօպէսին, խորհուրդ կը տանք հրաւիրել մի մշտական բժիշկ իր հիմնարկութեան համար, եթէ նա ինչպէս յայտնել է իր յայտարարութեան մէջ, կամենում է մոցնել բժշկական մարմնամարզութիւնը, մանաւանդ այլանդակված կազմուածք ունեցող մանուկների համար:

Գ. Ա.

ՆԵՐՔԻՆ ՏԵՍՈՒԹԻՒՆ

„ГОЛОСЪ“ ԼՐԱԳԻՐԻ ՅՕԴՈՒԱԾՆԵՐԸ

„Голосъ“ լրագիրը իր անցեալ տարվայ համարների մէջ երկու առաջնորդող յօդուածներ է ապել ուսուցիչ եկեղեցու և հոգեորականութեան մասին, որոնցով յիշեցնում է ընթերցողներին հոգեւոր սինօզի նոր պրօկուրօրի նշանակելը և յայտնում է իր յոյսերը և ցանկութիւնները ուղղափառ եկեղեցու հարկաւոր վերանորոգութիւնների մասին:

Յիշեցնելով այն փաստը, որ ուսուցիչ վրդի հասարակ դաստիարակը զանազան աղանդներ է ընդունում, իսկ բարձր դասը զանազան ընկերութիւններ է կազմում, ու

րոնք բոլորովին անտարբեր են մնում եկեղեցական և կրօնական շահերի վերաբերութեամբ, համաձայնելով այն կարծիքի հետ, թէ դրա մէջ մասամբ մեղաւոր է հոգեւորականութիւնը, լրագիրը մասնացոյց է լինում այդ երեւոյթի հետեւեալ պատճառների վրա. որ ուղղափառ եկեղեցական արտօրոգութիւնները բաւական անհասկանալի և ձանձրացնող են ժողովուրդի համար և մասամբ անկարգ, որ եկեղեցու մէջ կարգացածներից և երգածներից շատ բան անհասկանալի է ոչ թէ միայն ծխականների, այլ և հոգեորականներից շատերի համար, որ եկեղեցական գրքերի թարգմանութիւնները անբաւականացուցիչ են, որ այդ թարգմանութիւնները տեղ տեղ մութ և անհասկանալի են և մասամբ անկանօն:

Այս պակասութիւնները ցոյց տալուց յետոյ լրագիրը կարծիք է յայտնում, թէ հարկաւոր է Ռուսաստանի զանազան քաղաքներում մասնաժողովներ կազմել յուսաւորված և գիտնական հոգեորական անդամներով՝ եկեղեցական գրքերի անհասկանալի տեղերը ուղղելու և բացի այդ զանազան աղօթքների և եկեղեցական երգերի լեզուն փոխելու և այդ լեզուն հասարակ և ընդհանրութեան համար գիւրդմբռնելի դարձնելու նպատակով: Բացի այդ „Голосъ“ կարծում է, որ կարելի էր եկեղեցական արտօրոգութեան ժամանակ մի քանի անգամ կրկնով աղօթքները, մարդասերները և միակողմանի ընթերցանութիւնը կրճատել և այդպիսով լաւացնել նրանց յատկութիւնը, փոքրացնելով քանակութիւնը:

Լրագիրը փաստերով ապացուցանում է, որ այդպիսի վերանորոգութիւնը նոր աղանդ էր ծագեցնի և ուղղափառ եկեղեցու ամբողջութեանը չի վնասի:

„Այժմ վաւերի մէջ եկեղեցական արտօրոգութիւնները երկար են, նկատում է լրագիրը, ծխականների մէջ աւելի կարծ, իսկ պալատական, պետական և մասնաւոր եկեղեցիների մէջ արտօրոգութիւնները կըրճատվում են և փոփոխվում են: Այդ փոփոխութիւններից կախված են նրանց լաւ յատկութիւնները, որոնք մեզ պակասում են: Շտապով կարելի էր երգելը, մի և նոյն ժամանակ ընթերցողութիւնը չը վերջացրած երգեցողութեան սկսելը, աղօթող-

ների տաճարից անդադար դուրս գնալը և ներս մտնելը, երեխաների լացը և աղաղակները, դրանք բոլորն էլ սովորական այնպիսի երեւոյթներ են մեր ծխական եկեղեցիների մէջ, որոնք կարող են խանգարել ամենամեծ աստուածապաշտական տրամադրութիւնը: Եթէ կատարվեն վերոյիշեալ վերափոխութիւնները, արտաքին կարգապահութիւնը ինքն ըստ ինքեան կը վերականգնվի, քանի որ աղօթքները լաւ կը հասկանան բոլորը, հետեւապէս չեն ձանձրանայ և նրանց աստուածապաշտական տրամադրութիւնն էլ չի խանգարվի:

„Голосъ“ կարծում է, որ եկեղեցական հասկանալի արտօրոգութիւններով զրաւված ժողովուրդին պէտք է աւելի մատչելի լինեն եկեղեցական շահերին և պէտքերին վերաբերեալ հարցերը: Այդպիսով կը բարելոքվեն եկեղեցական տնտեսութիւնը, հաշիւները, աղքատների հովանաւորութիւնը և ծխական ուսումնարանների դրութիւնը, որովհետեւ դրանք հասարակական գործ կը դառնան:

Խօսելով ուսուցիչ հոգեորականների դրութեան մասին, լրագիրը նկատում է, որ այդ դրութիւնը պէտք է մեծ փոփոխութիւնների ենթարկվի թէ ներքին, թէ արտաքին և թէ բարոյական կողմերից:

Մեր բարձր հոգեորականութիւնը, ասում է լրագիրը, պէտք է հեռու լինի աստիճանաւորութիւնից և անմատչելի չը լինի: Կախկոպութիւնը պէտք է կատարեալ հովիւներ լինեն, մօտ լինեն ցածր աստիճանի հոգեորականներին և ժողովուրդին: Աւերմի եպիսկոպոսական աստիճանը ստանալու պայմաններն էլ պէտք է փոփոխվեն:

Կուսակրօններից վերջին ժամանակներում շատ քիչ եպիսկոպոսներ են ընտրվում, որոնք բարոյական և գիտնական յատկութիւններով գերազանց լինէին: Մի և նոյն ժամանակ պատահաբար և բոլորովին իզուր եպիսկոպոսական աստիճանը յատկացրած է միայն կուսակրօններին: Եկեղեցական ոչ մի օրէնք այդ չէ պահանջում, ընդհակառակը, քրիստոնէական սկզբնական գաղափարի համեմատ, կուսակրօնները պէտք է հեռու մնան հասարակական վարչական գործունէութենից, նրանց համար պէտք է խորթ լինեն կենսական և գործնական շահերը:

„Մենք չենք զարթեցնում պսակված եպիսկոպոսների վիճելի հարցը, ասում է „Голосъ“, այլ պնդում ենք, որ եպիսկոպոս լինելու համար անպատճառ հարկաւոր չէ կուսակրօն լինել և այդ պաշտօնը պէտք է մատչելի անել ժողովրդական հոգեորականութեանը: Այլի քահանայներից շատերը, ասանց կուսակրօնութիւնն ընդունելու, կարող են եպիսկոպոս լինել: Այսպիսի եպիսկոպոսները աւելի ամուր կապված կը լինեն թէ միւս հոգեորականների և թէ ժողովրդի հետ և նրանց յարաբերութիւնները վերջինների հետ աւելի թաւաժ, մարդկային և բնական կը լինեն:

Շարունակութեան մէջ լրագիրը կարծիք է յայտնում, որ հոգեորականներին պէտք է հեշտացնվեն այդ կոչումից հեռանալու միջոցները, որ հոգեորականների կրթութեան և հովուական պաշտօնի համար պատաստվելու միջոցները պէտք է լաւացնել, որ նրանց նիւթական դրութիւնը պէտք է ապահովել, որ վերջապէս նրանց վարձատրվելու մի քանի ստոր ձևերը պէտք է փոփոխել և այլն:

Վերջը լրագիրը նկատում է, որ եթէ հոգեորական դասի այդ անաջող պայմանները չը փոխվեն, մարդիկ կը ձեռնադրվեն ոչ թէ իրանց կոչման համեմատ, այլ ուրիշ նպատակներից դրդված:

ՆԱՄԱԿ ԽՄԲԱԳՐԻՆ

Երեան, 25-ին դեկտեմբերի 80

«Մշակի» 199 և 228 համարներում Վրդոյ ըստորագրութեամբ մի նամակագիր խօսելով լուսաւորչական հայերի դէպի բողոքականների ունեցած ատելութեան մասին, ի միջի այլոց յիշում է բողոքական Ասատուրին հրապարակաւ զանակոծելը և նրան սպանելը բողոքականութեան համար: Պարտաւորութիւն եմ համարում պ. Վրդոյին հետեւալ պատասխանը տալ: Բողոքական Ասատուրը իմ հարազատ հայրս է, նրան ոչ մի ժամանակ չեն ծեծել, նա այն կորած մուրած մարդիկներից չէր, որ համարձակվէին նորան փողոցում կամ մի այլ տեղ ծեծել: Զօրս սպանցին Երեանից 17 վերստ հեռաւորութեամբ Բէջլդաղլու գիւղում 1876 թուին. սպանողը քահանայ էր, Հայրս գնացել էր տէր հօր տունը նորանից իր 800 ռուբլի ստանալիքի համար, քահանան կարծելով

Գաղեանցը «Մշակում», որի մէջ ևս երեցաւ և Մօսկվայի կարծեմ 20 հայ ուսանողների բողոքը, բայց... բայց առաւել լաւ է լուել այդ բողոքի ստեղծվելու մասին, միայն այսքան կարող եմ ասել, որ Մօսկվայի հայ ուսանողութիւնը, որքան ևս անձամբ համոզվեցայ, իմանում է յարգել և սիրել այնպիսի զարովիչներին, որպիսին մեր տաղանդաւոր Իսաֆիլն է:

Մի օրգանից, որը ուղում էր ցոյց տալ իրան ընդունակ հասկանալու թէ՛ ինչ է ուսանողն ու ինչ է ուսուցիչը և ոչ ուսուցիչը etc. etc., ի հարկէ, ընթերցող, դուք չէիք կարող սպասել հետեւեալը:

Պ. Թ. Զ., իբր թէ ցոյց տալով Գաղեանցին, որ նրան ամենին աւելորդ էր (Մշ. № 143) յիշել իր ուսանող լինելը (Բնչու է յիշել այդ պ. Գաղեանցը ցոյց կը տանք ներքե), ասում է.

«... Լսեցիք, պարոններ, Մօսկ. համալսարանի իրաւաբ. բաժնի ուսանող և գիտէք ինչ է նշանակում ուսանող—մի ամենիմաստ, բազմազէտ...» չենք ուզում շարունակել արտադրել զանազան երեխայական ծաղրութիւնների ամբողջ մի շարք: Այստեղ մենք ուշադրութիւն կը դարձնենք պ. Թ. Զ.-ի այն խօսքերի վրա, որոնք վերաբերվում են առհասարակ ուսանողութեան.

«... Բայց ներքեք, պ. Գաղեանց, մեք այդ անունից (այսինքն ուսանող) շլացողներից չենք, այդ նոր բառ չէ մեզ համար, մեք տգէտ ամբողջի դաղափարը չունենք ձեր ուսանողութեան վրա, մենք համոզված ենք թէ չէլը միշտ էլ էլ կը մնայ, թէ կուզ Միքայիլ էլ տանես ներքե...» (№ 30)

Բրա՛վո... որ Յիսոփիլն է խօսացել աւելի համակրութեամբ... Եթ լամպայ մէջ այսպիսի փոփոխութիւն մի լրագրի հայեացքների մէջ, բայց ոչ. սա մի զարմանալու բան չէ. մենք գիտենք և դուք, պ. Պապաճանեանց, ինքներդ էլ գիտէք թէ՛ ինչ շարժառիթներ էին ստիպում ձեզ իւրեղ ուսանողների գլուխը: Մենք այդ կը ցոյց տանք փոքր ինչ ներքե:

«Ապացոյցներ, պատմական փաստեր, օրինակներ, իրողութիւններ...» գրառում է «Մեղու Հայաստանի»: Որքան էլ պատմութիւնից վերցրած օրինակներ ցոյց տաս, որքան էլ փաստեր աչքի առաջ դնես, նա դարձեալ շարունակում է ասել թէ՛ «Մշակը» առանց փաստերի է խօսում և այլն և այլն: Մի և նոյն քաղաքականութեան հետեւի և Պապիլոն:

«Պապիլոն» աշխատակցում են Էջմիածնի երկու երեւելի պաշտպանողներ Թ. Զ. և Յ. Վ. Մենք չենք իմանում թէ՛ ոչ են այդ պարունները, բայց թէ դրանց յօդուածների սխալատեղական ձևերից, թէ ոճից, թէ, վերջապէս, լօգիկայից երեւում է թէ հոգեորականների որ կարգից պէտք է լինեն:

«... Մեք (Թ. Զ. № 30) միշտ կը պաշտպանենք Էջմիածնի նշանակութիւնը... (և այլն)... բայց եթէ երբեք կատարվեն նորա մէջ այնպիսի իրողութիւններ, որոնցով կարող է վայր ընկնել նա, մեք... չենք զլնալ նաև այդ իրողութիւնների դէմ յարձակվել...»

«... Էջմիածին և Էջմիածնականներ—սոքա բոլո-

րովին տարբեր բաներ են, որոնց չէ կարողանում «Մշակը» իրարից որոշել...»

Միթէ այստեղ հարկաւոր են որ և ինչ բացատրութիւններ. այս օտփոխութեան ձևերը ամենքին համար ակնական են. կարծես պ. Թ. Զ. չէ իմանում, որ «Մշակը» եթէ յարձակվում է Էջմիածնի անդործունէութեան վրա, այդ չէ նշանակում թէ «Մշակը» հերքում է, որ Էջմիածինը (Իբրեւ ազգային հիմնարկութիւն) կարող է մեծ դեր խաղալ ազգային պատմութեան մէջ, ինչպէս և խաղացել է մի քանի անգամ, կարծես Թ. Զ. չէ հասկանում, որ Էջմիածնի վրա յարձակվել նշանակում է՝ յարձակվել նորա մէջ այժման գլխաւոր գործիչների վրա...

Անս Էջմիածնի այս երեւելի պաշտպանողը ինչպէս է ուղում պաշտպանել Էջմիածինը:

«... Բանի քանի անգամ Էջմիածինը հաշիւ տուաւ Ալաշկերտցուց փողի մասին, քանի քանի անգամ ասուեցաւ թէ հանգուցեալ Ալաշկերտցու բոլոր գրութիւնները ամբողջ և անվնաս պահվում են Էջմիածնում, բայց «Մշակը» դու այժմ գրում է թէ այդ փողերը կերուած են (?), դեռ ձեռք է թէ այդ գրութիւնները բոլորը (?) այրուած են...»

Ինչ կը վերաբերի ալաշկերտցուց փողերի մասին, այժմ էլ ոչ ոքի համար զաղտնիք չէ այն, ինչ հաղորդեց Հայկալը (Մշ. № 178), այսինքն սեպտեմբերի 26-ին եղել է Ա. Պոլսում ազգային ժողովի նիստը և ըստ առաջարկութեան պ. Պ. Գալաթեանի որոշվել է խնդրել Վ. Կաթողիկոսին, որ ժողոված դրամը գործածվի իր նպատակին:

Մեկ ամենքին յայտնի է, որ այդ փողերը մինչև անգամ հանգստութիւն են վայելում Էջմիածնում: Աւերմի «Պապիլոն» մայիսի համարի մէջ (8) մի ուրիշ՝ պ. Յ. Վ.-ի միջոցաւ ասել է հետեւեալը.

«... Էջմիածնի վրա խօսած ժամանակ գոնէ պէտք է թերթէր «Մշակի» խմբագիրը՝ նրա պաշտօնական օրգանը: Այդքան վայր ի վերոյ՝ յարձակումներից յետոյ կը խոստովանի արեւօք պ. Արծրունին թէ ինքն սխալվել է, եթէ նրան ցոյց տան անցեալ տարվայ (այս 1879) հոկտեմբերի ամսաթուղթում տպուած, որ օգոստոսին առած են ալաշկերտցուց փողերով... (այս ինչ) ...արժեւորմանակներ... և այդ դրամի գործադրութիւնը յանձնված է Ա. Պոլսի Կարդոպոլիտաց Արեւելեան ընկերութեանը: Ի՞նչ արժէք ունեցան «Մշակի» առաջնորդող յօդուածներով պահանջները»:

Ասկ այդ խօսքերը, ասում ենք, մենք, լրագիրն չէր... բաւական չէ, որ «Արարատը», Էջմիածնի օրգանը, քննադատում է ժողովրդին, որ «Պապիլոն» էլ մի կողմից նրա օգնական է հանդիսանում... Զուարճացէք, ընթերցող, թէ ինչ կարծիքի են Էջմիածնի պաշտպանողները (նոյն իսկ № 8): «... Ոմն Բագ. Արծրունին մի քանի կօպէկ նուիրելով (ի հարկէ սղգի պահանջները լրացնելու նպատակաւ), նոյնպէս և շատերը կարծես իրաւունք են ստանում պահանջող լինել... (պահանջել Էջմիածնից որ այդ կօպէկները իր նպատակին դործածվին)...»

Սրան, Էջմիածնի պատուելի պաշտպանողներ, ուերեն կասն. «Вотъ тебѣ и разѣ!»: